



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-074-5/25**

Datum: **16.04.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „DISK“ d.o.o. Živinice za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za proizvodnju termoizolacionih panela sa pratećim sadržajima u industrijskoj zoni Ciljuge 2, Grad Živinice, na osnovu člana 109. Stav (1) tačka 2. i stav (2). tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „DISK“ d.o.o. Živinice, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za proizvodnju termoizolacionih panela sa pratećim sadržajima u industrijskoj zoni Ciljuge 2, Grad Živinice, na zemljištu označenom kao k.č. 295/101 K.O. Bašigovci, Grad Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „DISK“ d.o.o. Živinice obezbijedi da se sistem za prikupljanje, prečišćavanje i ispuštanje tehnoloških otpadnih voda i objekti izgrađeni u krugu poslovnih objekata za proizvodnju termoizolacionih panela sa pratećim objektima izgrađenih u industrijskoj zoni Ciljuge 2, Grad Živinice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da investitor u toku 3 (tri) mjeseca od izdavanja ovog završi radove na sistemu za prikupljanje, tretman i ispuštanje otpadnih voda (ugradnju separatora masti i ulja), po projektnoj dokumentaciji - Glavni projekat snabdijevanja vodom i ispuštanja otpadnih voda iz poslovnog objekta „DISK“ d.o.o. Živinice, august 2024 godine, urađen od strane „ATRIUS projekt“ d.o.o. Živinice.
 - 3.3. Da se u toku važenja ovog rješenja izvrši izgradnja prostora ili na drugi način riješi skladištenje cisterni sa ostacima hemikalija i drugog opasnog otpada na način da nema uticaja oborina, te da se na mjestu gdje se vrši pretakanje hemikalija iz cisterni u rezervoare obezbijedi tankvana kako bi se spriječilo da eventualno prosute količine hemikalija dospiju u površinske vode i podzemne vode.
 - 3.4. Da se zaštitna tankvana oko rezervoara kao i sami rezervoari hemikalija, opasnih i štetnih materija, redovno kontrolišu na vodonepropusnost te poduzimaju sve odgovarajuće mjere u cilju sprečavanja akcidentnih zagađenja usljed eventualnog curenja iz rezervoara i tankvane.
 - 3.5. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.6. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring iz dva separatora (iz separatora sa parkinga nije obavezno uzimati uzorke) u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Ukoliko Vlada Tuzlanskog kantona propiše dodatne (strožije) uvjete od uvjeta definisanih članom 14. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.9. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.10. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.11. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.12. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta, „DISK“ d.o.o. Živinice, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta

sa pratećim sadržajima obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.

9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 1 (jedne godine) godina od dana pravosnažnosti ovog rješenja uz uslov da se izvedu radovi iz tačke 3.2. rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole i da uz zahtjev priloži dokumentaciju u skladu sa članom 12. stav (3) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22).
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „DISK“ d.o.o. Živinice, zahtjevom broj: P-32/2-25 od 10.02.2025. godine se obratilo ovoj Agenciji za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta za proizvodnju termoizolacionih panela sa pratećim sadržajima u industrijskoj zoni Ciljuge 2, Grad Živinice, na zemljištu označenom kao k.č. 295/101 K.O. Bašigovci, Grad Živinice.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta upisa: 1-6229 od 18.11.2024 godine izdat od strane Općinski sud u Tuzli-ovjerena kopija,
- Uvjerenje o poreznoj registraciji izdato 31.03.2010. godine, od strane Porezne uprave – Kantonalni ured Tuzla-ovjerena kopija,
- Rješenje o odobrenju za građenje broj: 04/7-19-6655/20 od 12.11.2020. godine izdato od strane Službe za urbanističko planiranje, komunalne, geodetske i imovinsko-pravne poslove, Grad Živinice - kopija,
- Rješenje o odobrenju za građenje broj: 04/3-19-4328/2021 od 22.06.2021. godine izdato od strane Službe za urbanističko planiranje, komunalne, geodetske i imovinsko-pravne poslove, Grad Živinice - kopija,
- Rješenje o odobrenju za građenje broj: 04/3-19-2895/22 od 12.05.2022. godine izdato od strane Službe za urbanističko planiranje, komunalne, geodetske i imovinsko-pravne poslove, Grad Živinice - kopija,
- Rješenje o izmjeni i dopuni rješenja o odobrenju za građenje broj: 04/3-19-257/23 od 25.01.2023. godine izdato od strane Službe za urbanističko planiranje, komunalne, geodetske i imovinsko-pravne poslove, Grad Živinice - kopija,
- Rješenje o odobrenju za građenje broj: 12- 04/1-19-027570/24 od 27.12.2024. godine izdato od strane Ministarstva prostornog uređenja i zaštite okolice - kopija,
- Rješenje o vodnoj saglasnosti broj: UP-1/21-3-40-305-4/24 od 21.08.2024. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Izvještaj o monitoringu kvaliteta i kvantiteta otpadnih voda, februar 2025. godine, urađen od strane „TQM“ d.o.o. Lukavac,
- Zapisnik komisije o izvršenom tehničkom pregledu građevine sačinjen 22.03.2023. godine,
- Operativni plan u slučaju incidentnih zagađenja na vodama i obalnom vodom zemljištu, februar 2025 godine, urađen od strane „TQM“ d.o.o. Lukavac,
- Informacija podnosioca zahtjeva o daljim postupanjima dostavljena elektronskim putem.

B. Tehnička dokumentacija

- Glavni projekat snabdijevanja vodom i ispuštanja otpadnih voda iz poslovnog objekta „DISK“ d.o.o. Živinice, august 2024. godine, urađen od strane „ATRIUS projekt“ d.o.o. Živinice.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-074-2/25 od 28.03.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta - namjena poslovnog objekta je proizvodnja termoizolacionih panela, nalazi se u industrijskoj zoni Ciljuge 2, Grad Živinice, na zemljištu označenom kao k.č. broj: 295/101 K.O. Bašigovci, Grad Živinice.

Udaljenost predmetnog poslovnog objekta od rijeke Spreče je cca 700,00 m zračne linije.

Za aktivnost ispuštanja tehnoloških otpadnih voda na predmetnoj lokaciji izdata je vodna saglasnost za pravni subjekt „DISK“ d.o.o. Živinice, Rješenje o vodnoj saglasnosti broj: UP-1/21-3-40-305-4/24 od 21.08.2024 godine izdato od ove Agencije.

Prilikom uviđaja utvrđeno je da su na terenu izvedeni radovi i ispunjeni uslovi a u skladu sa projektom na koji je data vodna saglasnost u dijelu koji je bitan za ovu aktivnost (skladištenje sirovina). Manji dio vanjske površine nije asfaltiran, nije ugrađen separator. Po izjavi podnosioca zahtjeva planirano je da se završe navedeni radovi kao i da se izgradi nadstrešnica za skladištenje opasnog otpada koji je trenutno na otvorenom u zatvorenim cisternama. Takođe je planirano postavljanje tankvane na mjestu gdje se vrši pretakanje hemikalija iz cisterni u rezervoare.

Imajući u vidu navedeno je dat rok važenja ovog rješenje u trajanju od 1 (jedne) godine.

Predmetni poslovni objekat se nalazi u industrijskoj zoni Grada Živinice.

Osnovna namjena predmetnog objekta je poslovnog karaktera - proizvodnja fasadnih, krovnih, termoizolacionih panela koji su savremeni građevinski materijal.

Pogoni i postrojenja na predmetnoj lokaciji su sljedeći: skladište sirovina; proizvodnja termoizolacionih panela; skladište hemikalija; skladište lima.

Projektovani kapacitet proizvodnje je 2500m²/smjeni a trenutno se proizvodnja vrši u jednoj smjeni.

Termoizolacioni paneli mogu biti izgrađeni na više načina a najčešći je da se između dvije table lima prostor popuni odgovarajućim izolacionim sredstvom i to PUR, PIR pjena ili kamena vuna različitih debljina.

Lim koji se koristi u proizvodnji panela može biti galvanizirani lim, galvanizirani lim sa polimernim premazom, aluminijski lim nehrđajući lim, itd. Lim je pripremljen materijal i na predmetnoj lokaciji se ne vrši nikakva hemijska priprema istog.

Sirovine koje se koriste za odgovarajuću ispunu su polioli za PUR ispunu, polioli za PIR ispunu i odgovarajuća hemijska sredstva koja će obezbijediti što bržu i kvalitetniju hemijsku reakciju poliola a to su prajmeri za bolje vezivanje poliuretana sa limom, zatim pentan – izocijanat za stvaranje ćelija i ćelijskih membrana u poliuretanu kao i odgovarajući aktivatori i katalizatori.

Unutar ovog objekta smješteno je skladište opasnih materija i sirovina koje se koriste u tehnološkom procesu proizvodnje termoizolacionih panela - PUR i PIR polioli se skladište u po dva rezervoara kapaciteta 30 m³, izocijanat u tri rezervoara po 30 m³, pentan u jedan rezervoar ispod nivoa zemljišta kapaciteta 35 m³ te kontejneri po 1m³ za prajmere, aktivatore i katalizatore.

U toku proizvodnje termoizolacionih panela u samom procesu se ne koristi voda.

Linija za proizvodnju termoizolacionih panela je komplikovana i složena mašina, sastavljena od više pojedinačnih uređaja (namotavači lima, uređaj za spajanje lima, uređaj za profilaciju lima, uređaj za

zagrijavanje lima, uređaj za nanošenje prajmera, oprema za punjenje, presa, mašina za sječenje panela, valjkasti transporter).

Oborinske vode sa manipulativnih površina prikupljaju se zasebnim sistemom i ispuštaju u potok Krivac a zatim rijeku Spreču.

Snabdijevanje vodom za potrebe predmetnih objekata je obezbijeđeno sa postojećeg gradskog vodovodnog sistema.

Otpadni materijal će se razvrstavati po kategorijama i zbrinjavati na adekvatan način propisan zakonskom regulativom.

Izvještaj o ispitivanju kvaliteta otpadnih voda sa lokacije pogona za proizvodnju termoizolacionih panela sa pratećim objektima, februar 2025. godine, urađen od strane „TQM“ d.o.o. Lukavac, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka c) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „DISK“ d.o.o. Živinice, ispunio minimum uslova za izdavanje vodne dozvole za ispuštanje tehnoloških voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:-

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behlija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- „DISK“ d.o.o. Živinice, Toplička 54, Živinice (Prilog: Tehnička dokumentacija pod tačkom B. ovog rješenja)

Ⓞ AVP Sava, ISV-vodna knjiga

- Org.jed. 50

- Org.jed. 40-arhiva

- Oglasna tabla AVP Sava Sarajevo